

**Қазақстан Республикасының Үкіметі мен Әзербайжан Республикасы Үкіметінің арасындағы жоғары білікті ғылыми және ғылыми-педагог кадрларды аттестациялау саласындағы ынтымақтастық туралы келісімді бекіту туралы**

Қазақстан Республикасы Үкіметінің қаулысы 2001 жылғы 6 желтоқсан N 1587

Қазақстан Республикасының Үкіметі қаулы етеді:

1. 2000 жылғы 7 сәуірде Баку қаласында жасалған Қазақстан Республикасының Үкіметі мен Әзербайжан Республикасы Үкіметінің арасындағы жоғары білікті ғылыми және ғылыми-педагог кадрларды аттестациялау саласындағы ынтымақтастық туралы келісім бекітілсін.

2. Осы қаулы қол қойылған күнінен бастап күшіне енеді.

Қазақстан Республикасының  
Премьер-Министрі

Қазақстан Республикасының Үкіметі мен Әзербайжан Республикасы Үкіметінің арасындағы жоғары білікті ғылыми және ғылыми-педагог кадрларды аттестаттау саласындағы ынтымақтастық туралы

**КЕЛІСІМ**

Бұдан әрі Тараптар деп аталатын Қазақстан Республикасының Үкіметі мен Әзербайжан Республикасының Үкіметі,

ғылыми дәрежелер, ғылыми дәрежелердің салыстырмалылығы туралы құжаттарды тану және нострификациялау принциптері жөніндегі уағдаластықтарды басшылыққа ала отырып,

ғылыми байланыстарды сақтауға және нығайтуға ұмтыла отырып,  
жоғары білікті ғылыми және ғылыми-педагог кадрларды аттестаттау саласындағы ынтымақтастықты жалғастыруға ұмтылысты қуаттай келіп,  
төмендегілер туралы келісті:

Тараптар өз мемлекеттерінің аумағында келесі Тарап мемлекетінің тиісті аттестаттау органдары берген ғылыми дәрежелері мен ғылыми атақтар туралы мемлекеттік үлгідегі құжаттарды Тараптардың әрбір мемлекетінің заңында белгіленген тәртіппен осы құжаттардың иелерін қайта аттестаттау арқылы таниды.

## 2-бап

Қазақстан Республикасы Білім және ғылым министрлігі Қазақстан Республикасы Үкіметінің атынан осы Келісім ережелерін жүзеге асыру жөніндегі уәкілетті орган болып табылады.

Әзербайжан Республикасының Президенті жанындағы Жоғары аттестациялық комиссия Әзербайжан Республикасының Үкіметінің атынан осы Келісім ережелерін жүзеге асыру жөніндегі уәкілетті орган болып табылады.

Жоғарыда аталған уәкілетті органдардың атауы немесе ұйымдары өзгерген жағдайда, Тараптар дипломатиялық арналар арқылы дер кезінде хабардар етілетін болады.

## 3-бап

Тараптар мемлекеттерінің уәкілетті органдары жоғары білікті ғылыми және ғылыми-педагог кадрларды аттестаттаудың мемлекеттік жүйелерінде ғылыми дәрежелерге талаптанушыларға қойылатын талаптар мен аттестаттаудың ұлттық жүйелерін дамытудың тұжырымдамаларын әзірлеген кезде өзара консультациялар өткізеді.

## 4-бап

Тараптар мемлекеттерінің органдары жоғары білікті ғылыми және ғылыми-педагог кадрларды аттестаттау саласындағы ынтымақтастықты:

бір Тарап мемлекетінің талапкер азаматына диссертация қорғауы үшін келесі Тараптың диссертация қорғау жөніндегі кеңесінде бірдей жағдайлар жасау;

Тараптар мемлекеттерінің жоғары білікті ғылыми және ғылыми педагог кадрларын аттестаттаудың мемлекеттік жүйелеріндегі өзгерістер туралы дер кезінде өзара хабардар ету, бұл кадрларды аттестаттау мәселелері бойынша тиісті нормативтік құқықтық актілер және басқа да материалдар алмасу;

жоғары білікті ғылыми және ғылыми-педагог кадрларды аттестаттау процесін басқаруды жетілдіруге бағытталған тәжірибе алмасу жөніндегі бірлескен іс-шараларды өткізу арқылы дамытады.

## 5-бап

Тараптар мемлекеттерінің уәкілетті органдары диссертациялық жұмыстарды сараптау сапасын көтеру үшін:

жетекші ғалымдар мен мамандардың келесі Тарап мемлекетінің

диссертация қорғау жөніндегі кеңестерінің жұмысына, сондай-ақ диссертация қорғаған кезде оппонент ретінде қатысуына;

бір Тараптың кеңестерінде қорғалған диссертацияны келесі Тараптың диссертация қорғау жөніндегі кеңестерінде қосымша сараптауды өткізуге жәрдемдеседі.

## 6-бап

Осы Келісімге қатысу Тараптардың жоғары білікті ғылыми және ғылыми-педагог кадрларды аттестаттау саласындағы ынтымақтастықтың басқа нысандарын пайдалануға құқықтарын шектемейді.

## 7-бап

Осы Келісімге қатысушы мемлекеттерде берілген ғылым кандидаты мен ғылым докторының дипломдарын, сондай-ақ доцент пен профессордың аттестаттарын Тараптар мемлекеттерінің құзыретті органдары екі жақты келісімдер негізінде әзірленген тетіктер бойынша қайта аттестаттау арқылы таниды.

## 8-бап

Осы Келісім ережелерін жүзеге асыру мақсатында Тараптар қосымша келісімдер мен хаттамалар жасауларына болады.

## 9-бап

Осы Келісімге Тараптардың өзара келісімдері бойынша оның ажырамас бөлігі болып табылатын хаттамалармен ресімделетін және осы Келісімнің 11 бабында көзделінген тәртіппен күшіне енетін өзгерістер мен толықтырулар енгізуі мүмкін.

## 10-бап

Осы Келісімді қолдану мен түсіндіруге байланысты даулы мәселелер консультациялар мен келіссөздер арқылы шешіледі.

## 11-бап

Осы Келісім оның күшіне енуіне қажетті мемлекетішілік рәсімдерді Тараптардың орындағандығы туралы соңғы жазбаша хабарлама алынған күннен бастап күшіне енеді.

Осы Келісім бес жыл бойы қолданыста болады және Тараптардың ешқайсысы

осы Келісімнің қолданысын тоқтату туралы оның тиісті қызмет мерзімінің бітуіне алты ай қалғанға дейін жазбаша мәлімдемесе, ол өзінен өзі келесі бес жылдық кезеңдерге ұзартылатын болады.

Баку қаласында 2000 жылғы 7 сәуірде әрқайсысы қазақ, әзербайжан және орыс тілдерінде екі данада жасалды және де барлық үш мәтіннің күші бірдей.

Осы Келісімнің ережелерін түсіндіруде пікір алшақтықтары туындаған жағдайда, орыс тіліндегі мәтін пайдаланылатын болады.

Қазақстан Республикасының                      Әзербайжан Республикасының  
Үкіметі үшін    Үкіметі үшін

Мамандар:

Багарова Ж.А.,  
Қасымбеков Б.А.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК